

宜章縣志 第二元卷

冢墓志

杜司農墓

在縣東北生祠嶺二楊祠後宋司農杜唐卿葬此墓地今不可考

鄺教諭墓

在縣西二里鄺家冲明贈通議大夫勾容教諭鄺子輔葬此

黃提學墓

在縣西三十里白沙司渡頭嶺明陝西提學僉事黃克修葬此

鄺尙書墓

在縣西一里箭崗嶺明兵部尙書謚忠肅鄺棊葬此公殉難土木忠骸未歸此係衣冠墓明尙書王直撰

神文中書舍人宦文淵閣預修玉牒東陽吳希純書丹正議大夫資治尹太常寺卿兼經筵侍書廣平程南雲篆額清同治二年知縣麻維緒以原碑殘缺重摹上石並修墓前翁仲華表 公配吳夫人附葬墓後墓志明成化元年郴州何子孟春撰

鄧知府墓

在縣西二里箭崗嶺明贈資政大夫寧國府知府鄧本道葬此

宜章縣志

三十卷

冢墓志

鄧尙書墓

在縣東一里東溪明戶部尙書鄧庠葬此論葬文曰先朝舊臣歸休故里方膺壽祉詎意淪亡日月易流

倏臨窀穸載頒諭祭用示殊恩靈爽如存服之無斃

曾知府墓

在縣南二十里谷溪水明太平府知府曾達葬此

高參議墓

在縣東五里冷水頭明四川參議高蔭先葬此

吳知州墓

在縣西十里廣田明漢州知州吳諫葬此

李孝子墓

係明孝子李顯卿墓舊志錄載葬地

黃孝子墓

在縣東六十里三望坪明孝子黃佐葬此

陳處士墓

在縣東六十五里明處士陳嘉礎葬此

黃烈女墓

在縣西五十里鎮石鐵坑廟明烈女黃四姐葬此

歐陽貞女墓

在縣西五十里小蠟冲明貞女歐陽晚香葬此

陳女貞墓

在縣東四里謝家墜清貞女陳瑞英葬此

以上十五墓嘉慶舊志曰按丙子舊志拾遺載崇禎舊志有唐節度使歐陽慶宋相歐陽子槐墓而前志未核其事蹟見歐陽氏家譜云云二公皆顯職史無列傳行實無考未便列入今仍其舊又按縣人之葬境外有可考者附錄於左

唐武陵侯黃師浩墓

在臨武縣金三鄉四都赤土大栗山黃幢寶蓋虎形據白石虎山志補

五代漢歐陽士端妻蔡孝婦墓

在永興縣四北里許永興志云世傳以為雷葬於此盜嘗發其

塚未及棺雷電交作懼而止餘坎深六尺縣令徐經孫始封之孝婦詳列女

宋吏部尚書郎李伯湛墓

秘書省校書郎陶崇撰墓表時為嘉定甲申三月墓在連州黃泥凹墓後

立祠祀之據省志補

宜章縣志

三十卷

冢墓志

二

清宣統三年反正死難烈士彭遂良彭昭兄弟葬長沙嶽麓山

上尉鄺希林亦附葬嶽麓山

附漏澤園

凡六處

平頭嶺

縣南一里

廖家坪

縣南二里

社壇側

縣西一里

杉木冲

縣北二里

趕羊坪

縣北二里方圓一百三十丈嘉慶六年典史金宿公費置買勒碑城隍廟

教場坪

縣東北隅二里

公墓

民國二十三年奉國民政府通令設立

縣城後山

長坪

縣南二里

老鼠脇

縣東半里

論曰過大梁者佇想於夷門游九京者流連於隨會前賢塚

墓例禁樵採殯繫行潦以時致薦禮也茲照錄舊志並增輯
數墓有清一代塚墓未能採輯姑付闕如至公墓之設制同
漏澤園漏澤園者官設之叢葬地也顧炎武氏日知錄謂起
於蔡京然月令已有掩骼埋斃之文後漢桓帝紀京師死者
相枕若無親屬者可於官地葬之表識姓名爲設祠祭是後
漢時已有此制而宋初又著令貧無葬地者許於官地安葬
天禧中又於外四禪院買地瘞無主骸骨每具官給錢六
百文幼者半之仁宗神宗均有詔瘞貧民之不能葬者是此
制不起於蔡京特其名起於蔡京耳宋時盛行火葬制吳縣
有化人亭今南京設火葬場考火葬始於印度本佛教法謂

之荼毗其後傳入中國然舉屍體而投之烈焰抑豈仁人所
忍出歟我縣城外方數里內無至孤墳隨地有之非城鄉之
窮氓卽異地之旅櫬山土善崩水潦冲刷荒煙野蔓走燐飛
螢木魅山鬼風嘯雨嘯非惟慘人心目抑礙市民居處現雖
定爲公墓地應行更改另擇幽僻處爲墓地并築土牆以禁
牛馬踐踏俾幽明相安沴孽永息其暴露者指撥閒款隨時
掩覆澤及枯骨亦仁政之一端也